

皇

明

史

概

皇明遜國臣傳卷之三

朱國禎

侍郎二公

公名性善，字復初，以字行。浙江山陰人。洪武乙丑，進士上第，過御前。上見其容止，寔重，屬目久之，謂侍臣曰：「向唱名，性善者君子也。」授行人司副。已而入翰林，爲編修。初，誠意伯劉基薨，上遣御史李鐸往取其遺書，基子璉出書石室中，蓋觀象玩占闕術也。從鐸詣闕，上之命簡工書者數人，入便殿，繕錄性善與焉。天威嚴重，進見者無不人人惴恐，或戰汗不成一字。性善動止

安雅書法妍正 上嘉悅賜酒食時誅譴叵測性善留  
中竟日家人以爲必歿既出乃大驚久之拜禮部左侍  
郎薦達流人薛正言等雲南布政使韓宜可方隸請籍  
亦以薦起副都御史 建文帝在東宮已熟性善名既  
仰位一日退朝獨留賜坐問以治天下之要使書以進  
性善益感知遇盡所欲言朝廷悉從之然施行未竟輒  
爲權奸所尼一日請對曰陛下不以臣迂狠承顧問臣  
旣僭塵聖聽許臣必行今而詔書云然所謂爲法自矣  
何以信天下 帝爲之動容未幾北師南下 建文帝  
命改副都監平安軍大戰篋辟敗績遂與大理丞彭與

明與明萬安人貫入太學洪武二十五年授給事中陞  
刑部員外郎建文元年陞湖廣金事尋陞大理寺丞  
憲勳律已剛毅敢言敏達能斷四年擢中朝官知兵有  
風裁者出江北督察諸將與明爲衆所推送出淮西至  
雲空會何福戰敗被執與陳性善或之一曰旣執文  
皇遣歸今傳語中朝士與明慙憤棄官變姓名遁去越  
數年歸窮餓憔悴殆不可識或論欽天監副劉伯完  
其或泣不言明日竟遁不知所終欽天監副劉伯完  
洪武時重天官之學精通曆象占步風角者得衣食  
於官尸有征討必選通知天文者從行伯完精於占候  
又諳回回曆法起時人歷官欽天監副言多前中北兵  
南下在歷城候軍中從何福戰雲空敗績被獲釋還克  
人去莫知所終指揮王資等數十餘人皆被執文皇旋縱遣  
之性善曰辱命罪也何以見吾君朝服躍馬入于河以  
歿後加追戮家徙已而赦還洪熙初已人吳驥傳其事  
時餘姚黃堦陳子與性善同歿節堦有詩曰爲臣真欲効

全忠豈料釀成興叛同

方子

詩曰北狩綠藏青史筆南還

猶是白頭公

侍郎陳公

公名植廬江人元末舉鄉試不仕洪武間起吏部主事  
建文中歷兵部侍郎監戰江上慷慨誓師有督將謀降  
燕者植責以大義甚厲督將恨殺之出迎降而自陳功  
於 文皇文皇立誅督將使人欲葬之植家不知 上  
意逃匿無敢會葬者

侍郎董公

公名倫字安常先山東恩縣人後徙宛平縣遊山林間布褐藜藿已懷憂世之志學者多從之遊恩縣古貝州也因稱貝州先生元末徵辟不出國初擢用單縣儒士張寧寧薦倫徵爲贊善大夫事懿文太子陳說多長厚語高皇聞而善之十八年陞左春坊大學士東宮薨二十五年出爲河南左叅政盡心民事名其退食思政之堂曰後樂方孝儒爲之記嘗草封事數千言多當上意又上書薦肇州吏目諸葛伯衡太祖召伯衡爲陝西叅議三十年註誤免官典教滇南太孫

憐其老賜道里費行至成都蜀獻王深重之賦詩八章  
道行至滇作養成就雖蠻童夷豎皆知向方 建文卽  
位以東宮舊臣召至京師拜禮部侍郎兼學士與方孝  
孺同入內閣侍經筵御書怡老堂及髻几玉鳩杖各一  
賜之倫上表謝略曰桓榮設几杖於太常不聞宸翰之  
賜晏殊題舊學於神道未見几杖之頒自今將杖以戒  
噎則當思四海或有饑餒之民憑几以安身則當念一  
物或有顛連之歎或曰此孝孺代筆也初御史解縉嘗  
代夏長文作劾都御史袁泰書泰恨縉中傷縉 上令  
縉十年著述來京擢用未及期 上崩縉赴臨有司嫉

之謂非詔旨謫縉河州衛吏倫與縉善左右之得召還  
爲翰林待詔倫質直敦厚富文學爲時所重建文間屢  
懇言宜親睦宗人不聽北兵至倫年八十餘令致仕出  
京悒悒成疾數日卒

訓導林公

公名大同字逢吉先長樂人曾祖以下皆官常熟因家  
焉大同幼孤苦力學六經于史手自抄讀不問寒暑洪  
武中爲開封訓導以病歸永樂中再遣人取召卒以疾  
辭所著易經與義并文集若干卷

永樂初洞庭湖濱有隱者自號洞庭居士已後有二人



至居一室膏汎湖大醉輒大哭居士病革乃呼鄰曰我  
建文時編修也死葬訖二人始去林訓導特往哭之

少卿高公

公名異志

一作志

字士敏號青菴先蒲縣人元末父德爲

浙東宣慰都事遂僑寓嘉禾幼好學嗜文辭一時文章

巨家如貢

師伯鄭之恭周琦

公皆師事之故其爲文深純典

雅成一家言年二十五以薦爲郎山書院山長洪武二

年徵修元史入翰林爲編修轉秦府紀善累官侍講學

士未幾引退又召爲試吏部侍郎以事去官謫居胸山

弟士表往省之有送弟南歸序建文元年召爲太常右

少卿兼學士庚辰會試禮部尚書陳廷侍中黃觀知貢

舉公與董倫

爲考試官取吉水王良

常熟黃欽莆田陳

之廬陵胡廣崇仁吳清建安楊子新淦金幼石首楊清

武進胡深太康顧佐時稱得人志存沒不可考一日事

葬在嘉興縣是科同預較藝者右拾遺朱吉編修史官

吳勢兼應趙士友徐旭張東監試御史王度俞士皆一時

之選惟息王度夙難餘皆位如故徐旭永樂初爲吏部

郎中與吉皆預重修高廟實錄旭陞國子祭酒士永

樂初爲僉都御史

按察使王公

公名良字天性祥符縣人洪武二十六年任僉都御史  
二十七年遷刑部侍郎建文初爲刑部左侍郎辛巳坐  
問燕軍較罪未減出爲浙江按察使謁岳鄂王墓誓曰  
苟愧步武非人也金川門之變慟哭誓必死 文皇以  
前事頗德之特召將大用使者至良執下獄詰且縛出  
期戮以徇道中忽衆鼓譟起奪去良遂坐堂上收抱司  
印及其餘九印悉懸置於篋携歸人門謂妻曰我分應  
死顧思所以處汝未決爾妻厲聲曰我不難處君爲男  
子乃爲婦人謀乎從容飽良食抱其子歎歎如廁自投

於池而死良久往覓子匍匐池旁其鞋猶在頃之屍

浮起矣良殯殮畢積薪閉戶戒其家人毋得出

或云身遺囑付

人命妾抱幼子往某僉事家以宗祀為托

或云良子時方髫髻夜以

托鄉人之

遂舉火以印投之與家人同赴火死時六月

二十一日也事聞 文皇曰死自其分印吾 父皇所

制擅毀之特可罪耳詔徙其家於邊既而風雨晦暝人

或見其出沒後至者不敢居台人陳璉私譏其事翰林

編修黃佐為之傳正德戊寅按察使梁材始即司門內

東南水鑑亭為祠祀之榜曰忠節提學副使劉瑞萬潮

皆記之瑞銘曰允烈王公妾其靈矣火其身不火其名

矣億千百世赫且明矣時有李文敏蔚州人監生爲御史陞四川按察使永樂中以奸惡誅

朱史氏曰幽冥之事自不可據或謂正德戊寅公之廟祀由見形而然御史王彬亦于正統年間白日見于揚州察院與某御史談其死事然後祀名宦是可信與曰可信不曰在地爲河嶽在天爲星辰明則復爲人而幽則復爲神乎二復字最妙百千萬轉莫可窮盡謂二公偶然見形可也謂千伯歿難之人其形日日皆見亦可也靈之妥也在後歿或于鄉或于宦在在有之不獨二公光之赫且明也見不見未足加損而其見也亦足爲

二公之佳話劉學憲之銘可思也已

學憲名瑤內江縣人弘治丙辰進士

少敏甚日記千言爲文有奇氣選庶吉士授檢討日稽古自懲至於應酬敏速服膺遠俗悉構理道逆瑾惡之致仕寓居澧州五年走用內殿十年再走浙江提學副使公明甄拔皆知名士陞南大僕寺少卿署故在滁作碑記典起者尤多陞光祿太常卿歷禮部右侍郎皆在南京行始蔚然爲稱紳所稱沒之日無以爲殮贈南禮部尚書隆慶元年從孫作御製奏賜諡文肅萬初字汝信進賢人正德辛未魁禮闈始推官寧國攝儀制主事武廟南巡抗疏止轡扶頽成楊遂卷賦詩謂江西四君子世宗立詔使職推浙江提學會事屢被濟薦之有學鏡聖賢之奧才兼儒吏之全等語累官延綏巡撫入副都嘉靖壬寅言官論違事劾用行至宜君卒年

六十五

按察副使程公

公名本立字原道系出伊川上世徙杭再徙崇德今浙  
桐鄉父德剛字克柔通書史法律負才氣不仕元將路  
戍兵過阜林暴掠爲陳利害成悟戢其部衆欲奏官之  
以疾辭本立少有大志從邑人鮑恂貝瑗遊讀書不務  
章句與海鹽沈康友善康喪父母葬祭以禮敦行誼南  
臺論薦與官力辭不就鄉人稱爲孝隱先生嘗執手告  
公曰世之學者爭務科舉以經學爲名而無實吾所不  
取子質近厚年且富當務聖賢之學公遂篤志修檢聞  
金華朱克修得考亭正傳于白雲許先生往問學焉寓金



華最久造詣益深國初舉明經秀才洪武九年除秦府  
引禮舍人同秦晉燕府官僚召見奉天門賜馬楮幣毋  
覈去官十三年補周府從王之國大梁二十年春進長  
史從王來朝被累請雲南馬龍他郎甸長官司吏目留  
家大梁携一僕之任時六詔初附叛服靡常酋史可伐  
煽誘百夷爲逆公單騎入夷巢諭之酋咸感悅歸附西  
平侯沐英布政使張統皆禮重之委以統領守禦公深  
憫民夷之患矢心盡瘁以救一方創爲賑濟安撫之策  
未嘗以文法自委歷道險遠山行野宿自楚雄姚安大  
理鶴慶麗江永昌徧往撫綏遇饑便宜賑恤民夷稍安

二十五年

英

卒公為文祭

英

宗人重請撰碑記述功德

許之三十一年奏計入京還鄉應天府尹向

賈

翰林學

士董倫

薦其學行政事宜留中朝徵入翰林充纂修官

修 太祖實錄未幾陞試左會都御史作御史箴自勵

尋即真俸入之外不通餽謁時稱清御史建文三年坐

失陪祀調降仍留翰林編纂明年實錄成改江西按察

副使未行北兵入京自縊歿

一日逮入京自盡于壬午六月十三日此日 文皇

方入金川門清宮水殿速也

文皇即位追奪官籍其家無遺資所

著有與隱集十卷後百三十年布政使吳

昂

刻於闕林

庭榻為之序比于古之夷齊

齊

洪武庚戌旌表孝子知

縣王文禮重之

司業豐公

公名寅初字復初先瑤昌人後徙於鄞洪武中國子司業抗疏諫張燈滿德化教論建文壬午棄官躬耕年百五歲卒子慶慶正統己未進士兵科給事中諫南滅反易儲事繫詔獄景皇方怒章鍾廖有言痛與杖偶忘慶得免英廟復辟陞河南叅政論周府內官不法事上嘉之陞左布政正糧稅之派清徭役之編中州備便廉聲人著一日行部有會知縣懼無以紓解乃以白金爲燭餽之踰數初未之省也旣而屬子以告公佯曰試然之乎屬子曰然而不然也又曰不然則還之耳

次日從容謂知縣曰汝燭不然盡出之以易可然者自  
今無復爾矣知縣大恐棄印綬去終亦不明其爲銀燭  
事也人謂此一事持已之廉待人之恕遠謗之智胥得  
焉凡納賄于上官者上官惡其染也暴揚之衆謂其有  
以來之也嫌疑之際卒不免于禍若公者非當官之師  
法乎子松教授耘子然

熙字原學少穎異志趣卓絕讀書署其壁曰立志當以  
聖人爲的遜第一等事於人卽非夫也十六母王氏喪

廬泉師守姜昂

昂字恒類吳縣人也端重介特不苟言

笑刻鏗讀書進士知縣強縣一意愛民  
所以遠自以不寬門無刑卒獄無滯囚三年召試術  
吏方寸字其省得俸率同列就論杖午門外親老改南

道理原建戎籍擢知河南府歲大旱至則雨隨需足洛  
人并舞勞晨吏白事遲終日閉閣觀書發善懸不用母  
年八十歲乞近郡便養不許疏德雨三至乞降府佐  
它日除邊遠自効乃改知寧波同官皆減去與馬  
木貢使遇郡望風飲駭不敢譁六年復以母老  
奏遣福建參政不起母卒服闋部使者奏起責以非  
生平取予毫不敢苟在官日買肉少葷奉母自食蔬  
子弟學書不得用官紙筆非歲首未嘗燕客不受人  
饋以是人多不悅而亦不能毀也器之曰此吾郡顏子  
也師事姚鏞弘治乙卯鄉薦己未廷對 孝廟親閱卷  
奇之置第一己易第二特賜狀元袍帶授編修陞侍講  
與修 孝宗實錄轉諭德逆瑾用事出掌南院考滿歸  
省外艱乞終養繼母不報復原職 世宗立陞學士  
詔定大禮議不合用事者撼以危禍卒守前議不變遂

得罪戍鎮海衛居十三年杜門著書絕口時事嘉靖丁酉卒熙性嚴重不妄交博極羣籍潛心六經尤邃於禮文古雅典則不規規摹擬而出入弛張一不整於矩度金石之作尤其所長嘗同考禮闈主試順天武舉各一著有魯詩正說古易傳義禮教儀節自庵集一齋集子長坊解元嘉靖癸未進士南史部主事工書法次彛

御史韓公 員外郎王公

公名郁字康郁鉛山人爲御史建文中上書言諸王親則太祖遺體貴則孝康皇帝手足尊則陛下叔文使二帝在天之靈子孫爲天子而弟與子遭殘戮其心安乎臣每念此未嘗不流涕也此皆豎儒偏見病藩封太重疑慮太深故至此夫唇亡齒寒人人自危周王竇湘王焚代府被推而齊臣又告王反矣爲計者必曰兵不舉則禍必加是朝廷執政激之使然燕舉兵兩月矣前後調兵不下五十餘萬一矢亡獲謂之國有謀臣可乎經營已久軍興輒乏將不效謀士不效力徒使



中原無辜赤子困于轉輸九重之憂方深而出入帷幄  
與國事者方且洋洋自得彼其勸陛下必削藩國者  
果何心哉諺曰親者割之不斷疎者積之不堅陛下  
不察不待十年悔無及矣臣至迂感恩至厚不敢不言  
幸垂洞鑒興滅繼絕釋代王之囚植湘王之墓還周王  
於京師迎楚蜀爲周公俾其各命世子封書勸燕罷兵  
守藩以慰宗廟之靈明詔天下撥亂反正篤厚親親宗  
社幸甚不聽 文皇未至郁先逝去曾孫和天順己卯  
舉人乙榜漂水教諭嚴毅方正篤學力行處家治喪一  
依古禮人多化之爲縣令張昺所重人稱才可濟世惜

其用之小也郁同時同邑王直字德良由鄉貢授禮部  
員外郎 建文卽位與韓郁力諫 陛下變祖法削親  
王起二大故而不知收夫之所壞不可支矣不聽郁去  
之直呼曰子去我諫不失智士仁人然子雖行毋自金  
玉而忘我國家三四追隨大慟而別 文皇清宮執直  
問罪直正色不應忤 旨部臣以直曾力諍 建文君  
有王魏之忠奏保獲免死

八御史

曾公名鳳韶一曰唐姓廬陵人洪武末年進士建文初  
爲御史會諸藩王來朝馳皇道入且不拜鳳韶侍班言  
殿上宜展君臣之禮官中乃敘叔姪之情由皇道不拜  
大不敬 建文皇帝曰至親勿問北兵逼議遣書燕使  
罷兵息民無敢行者鳳韶慷慨請行旣廣孝言于 文  
皇却其書乃取竹通節入書鼓風達之皆不報北兵起  
入京召復御史不至加吏部侍郎召又不至刺血書憤  
詞襟上曰予生廬陵忠節之邦素負立朝剛鯁之腸讀  
書而登進士第仕官而至繡衣郎旣一死之得宜可以

含笑於地下而不愧我文天祥屬妻李及子公望曰我  
死勿易我衣遂自殺時年二十九李亦自經

王公

王公名度字子中廣東歸善人肆力經書稽理修辭爲  
人所師儒士薦拜御史繩糾必持大體疏十餘上多見  
用 高皇帝崩諸藩不靖與齊秦等會議兵事庚辰監  
會試李景隆敗績退保濟南歷城疾盛庸代度密陳便  
宜可制勝者有東昌之捷景隆徵還赦不誅反用事忌  
庸等功掩已讒間遂行度與謀者皆見疎辛巳夏六月  
濟南告急師累敗度奏請募兵益真楊戍兵壬午春小

河之捷勞師徐州還夏五月鳳陽不守方孝孺與度等  
畫策以死社稷爲言秋七月坐黨禍戍賀縣語不遜聞  
門被繫實於法時年四十七按惠大記云度革除初爲  
御史王寅志云或曰令南海三年始召拜則其拜官之  
年今皆無的據矣又云度居邑之東平坊因往役藩司  
牧伯禮爲其子師會朝使祭南海神設席度與焉酒闌  
作詩卽席口占數絕多所規諷或記其咏橄欖曰南海  
飛騎薦荔枝誰知橄欖更清奇只因根托尋常地無自  
吹噓到帝畿因詢十事大奇之又度死姻家連坐一百  
五十五戶籍長王宗錫冀逃脫詭稱度爲他產冒籍然

亦莫能免也

王公

王公名彬字文質東平人洪武中進士御史巡按江淮  
北師日南彬方在揚州括餼糧修樓櫓器械銳意守  
禦指揮鄧崇剛沉鷲善謀彬使贊其軍崇剛因勸彬躬  
履艱危激示忠憤內其言日夜巡城率屬將士七日不  
解甲靖難師畏之揚州衛指揮王禮謀以城降訶知之  
執禮及其黨繫獄揚有力人能舉千斤彬恒以自隨北  
將楊玉招諭揚州飛羽書入城有縛王御史降者官三  
品禮第宗及其黨欲應之憚力人莫敢睨已乃厚賂力

人母誘其子出彬適解甲洛宗等先約千戶徐政爲內  
應突入卽擊中縛彬并剛絕城送北師破獄出禮等與  
俱降北將欲降彬彬不屈死剛亦死之府衛官皆降江  
都知縣張本尚爲守禦計其母丘曰此天命也違天不  
祥於是本亦率江都父老詣北師降卽以本知揚州府  
後歷官兵部尚書

### 高公

高公名翔有文學矜名節洪武中明經徵爲御史諸所  
論奏皆國家機要當上心建文時尤戮力戎事相與  
激發忠義文皇兵至召翔翔服喪服入見大哭語多

不遜遂族沒其產諸給高氏產者皆加稅曰令世世罵  
翔也親戚悉戍邊又發其先墓雜犬馬骨焚灰揚之而  
以其地爲漏澤園

連公

連公名楹襄垣人洪武中以太學生授左春坊太子贊  
善啟沃甚多 高皇美其剛正改御史久任十餘年北  
兵起與御史姚鏞相誓死廷臣有二者輒露章彈奏立  
金川門下冒馬首欲犯 文皇被擒詞色不屈引頸受  
刃有曰氣冲天尸僵立不仆



甘公名霖懷寧人洪武丁卯鄉薦爲御史剛介持正  
言中臺推重之北兵至被執求死從容受戮子孫相戒  
不復求仕正德中知府胡纘宗祀之鄉賢祠又御史王  
玘蘇州人坐匿奸黨誅

### 董公

董公名鏞或作庸不知始所自起亦不知何許人建文  
時爲御史諸御史有志節效忠本朝者時時會鏞所誓  
不負此心將較懷二不力戰者輒露章劾之城開後爲  
衆所持謂鏞逆黨也論死家徙戍邊

### 林公

林公名英字章叔古田人洪武二十九年由貢士選御  
史有言英書生卒難重任者 太祖以狀授英諭使供  
職英竭心奉詔屢建議言大都以重郡縣順民心爲本  
太祖深嘉之賜廐馬楮幣建文初請裁抑宗藩在行主  
父懷之策疏入不報復劾奏李景隆誤國其語激切反  
爲所中下都察院拷訊謫知瑞安時民多逋亾在者苦  
稅差爲按畝丈量所餘虛糧令墾荒補之立鄉約行文  
公家禮建立齋舍與諸生講學北師起用御史大夫耿  
清言還英舊職命與翰林修撰王叔英募兵廣德比至  
勢不可爲歎曰臣生無補於時或有負於國天命將傾

力難以濟再拜自經時年三十有四 文皇卽位取  
安等罪人家屬英妻宋氏繫獄自經歿

### 謝公

謝公名昇沛縣人建文時爲御史練兵給餉夙夜効力  
兵後不屈歿父旺子咬兒請戍金齒

### 丁公

丁公名志方聊城人洪武乙丑進士吳橋知縣擢御史  
北兵逼京城謂妻韓曰師至城必克吾惟一歿報國汝  
其携幼子潛歸撫之以延丁氏後及兵入被執不屈歿  
之子賢甫十歲易姓爲龐孫教中成化丁酉鄉試始復

其姓

牛公

牛公名景先官御史金川門失守易服宵遁至丹陽遇  
一僧云徐行吉速行凶遂改姓名徐行歿于杭州寺中  
後因究治齊黃事執景先次妻劉氏沒入教坊劉氏歿  
遺子名能能娶吳氏生智智娶顧氏生誠誠娶朱氏生  
鐵鐵娶張氏生演凡五世不肯失身辱祖萬曆三十三  
年九月二十六日祠祭郎葛寅亮詢訪忠良之家大賜  
洗滌知濱果係嫡派具文呈堂云看得該院樂工多係  
忠臣後裔但久離桑梓習染煙花鄉黨薄爲下流無節

之望田廩化作烏有徒增禾黍之悲令之還鄉  
流徙衆樂戶皆自沈晦徐濱獨首先舉明世派既有  
可尋衆證又多相合揆情度勢諒非詭誑況自來伉儷  
爲偶並無樂婦營生歷世相仍家聲未隕夫清白入羣  
不亂先德彌著其堅貞既有寬恤之條合從釋放之例

庶彰 國典下慰忠魂伏候批示准令徐濱改爲牛

濱出院從良部科冊籍除名仍給護身批照任從五城

二縣地方居住生理備由稟堂奉批

時署事者葉忠義  
臺山少師也

後昆久塵穢籍能自洗拔殊爲快事俱依擬并除名給

照 公之官爵或生初皆無及至是  
始明其妻于被救故列于此

王事巨公 樊公 徐公 劉公

公名敬平涼人初爲御史伉直敢言建文中爲戶部主事充史官清慎有聲後與陳迪同被逮責問不屈死之夷其族

樊公

樊公名士信應城人洪武十八年進士建文中以兵部主事守淮河北兵南下士信禦之力不支遂死後夷其族

徐公

徐公名子權新淦人今分屬陝江洪武十八年進士爲

刑部主事北兵至關練子寧感憫哭賦詩有翹首謝京國飛魂返故鄉之句自經歿

尚書劉公

劉原弼字良輔扶溝縣人洪武中以貢任刑部主事北兵入京城原弼率家人巷戰遇害歿索遺骸不可得其家刻木爲人葬之六世孫自強云 自強字體乾嘉靖

甲辰進士廣平府推官徵吏部主事歷員外郎忤嚴世蕃已遷太僕少卿猶出爲陝西叅議晉山西副使營卒上慶乘夜爲變城中大駭知慶有變妾選勇士伏旁舍待詰旦慶來携孥輒斬其首以殉餘黨无解遷陝西叅

政違按察使大旱一城以所得水相廩舍旁鑿之泉源  
涌出居人神之名劉公井遷湖廣右布政轉左歲侵賑  
饑甲子遷應天府尹一尚書以事囑怒擊其隸人什之  
右副都撫四川寇黃中負險猾鷲會湖湘兵討之屬妖  
人蔡伯貫乘間煽聚鹵掠策曰中穴鼠耳封而守之可  
立斃伯貫出押虎可急擊勿失輒移師攻貫一鼓殲之  
回兵向中所據牛欄坪險絕斬木百章爲雲梯陽攻之  
後察山旁側有少婦督甲士夜銜枚上鉦鼓并作呼聲  
震巖谷賊大潰悉降捷聞賜金綺丙寅拜戶部侍郎總  
督倉場戊辰轉南右都進南戶部尚書再改兵部參議



務庚午入爲刑部尚書奉詔疏薦侍郎趙貞吉布政使  
曹金荆守趙賢郎中呂麓孫應元後皆著聲實爲名卿  
萬曆初累疏得歸公內行甚備事兄如父族寡婦若祖  
姑疏聞於朝旌之請均田議增城蠲重役定水禍爲德  
於鄉甚多萬曆壬午卒年七十五賜祭葬子懋武蔭爲  
澁江知府

經歷宋公

公名徵建文元年爲宗人府經歷上疏請削罪廢宗藩  
屬籍諸王聞之皆恨徵徵又嘗與謝昇牛景先數言耿  
李諸將失律懷貳心當治罪 文皇旣立得其章疏責

問不屈於夷族

蘇州知府姚公

公名善字克一安陸人初姓李志行淳實學識高遠爲諸生時扁讀書所曰待旦軒工詩與會稽唐之淳相唱和洪武中鄉舉爲祁門丞同知廬州重慶三十年擢知蘇州府初太祖以吳承元俗僭靡違式繩以重法器惡者更持短長訟蜂起難治善洞曉政體諳悉人情數延郡賢詢求治道商略民生休戚因俗救正由是衆皆易嚮轉稱大治隱者王賓獨居陋巷躬往侯見舍車步人叩門賓問爲誰對曰太守姚善乃開門延語及賓報謂望門再拜而返善自邀還辭非公事不敢入又將侯

韓奕奕避入太湖善歎曰韓先生所謂名可聞而面不  
可見者耶奕潛心理學尤精於醫洪武初累薦不起所

著有韓山人集錢芹

芹字繼忠吳人少負氣節欲以奇功自奮元季以策干諸將無所遇

洪武初辟大都督府祿從徐大將軍出北平絕大漠  
廣以例解職家居二十年甘貧樂道自守甚高郡守  
善以林德宿之建文君求直言舉山林巖穴懷才抱德  
之士善薦芹吉安知府薦用道用道授靖江府直史  
為戶部司務醫中議事舉若行軍辦事從大將軍諮  
議軍事會遣芹入奏事道病卒循條兵事緩急上執政  
年七十二賜棺

髮歸葬黃山

自守甚高善初願見不可得會俞貞木

以明經見重於善月朔望必延致學宮講經書訓士一  
日饋菜於貞木誤致芹所芹受之吏覺其誤詣貞木以  
告貞木曰錢先生不苟取予今受不辭必仰府公之賢

耳善喜欲往侯使人先道意芹對使者曰芹誠幸見公  
然芹民也禮不可往若明公弘下士之風請期月朔胥  
會於學官善如期至迎芹上坐延質經義芹曰此士子  
之業今事有急於此者方煩公料理耳善益竦然請問  
之芹但出一簡授善竟不交言而去視之則皆戰守制  
勝之策也善心嘉之時靖難兵已南下善密結傍郡起  
兵赴難薦芹爲行軍斷事給事中黃鉞等叅軍事善尋  
至京師讀策防禦又從大將軍北行旋還京建文君用  
漢破七國策貶齊黃於外善言於朝曰人有文武才畧  
可扶顛濟危者反置散地不用今事已狼狽急須召之

詢其名曰今人才孰有過於黃太卿者乃召還二人未  
及至金川門失守是時善奉詔還兼督蘇松常鎮嘉五  
郡兵勅王未及職 文皇卽位索子澄甚急于澄走蘇  
約善共航海舉兵謝曰公可去善不可去公朝臣可四  
往號召圖興復善職守上義當與城存亡子澄遂去公  
爲麾下討千戶等縛見 文皇詰善曰若一郡守乃敢  
舉兵抗我耶公厲聲不遜死之時年四十三子節發戍  
賀縣千戶所幼子繼兒坐配保兒習匠有沈魯者以詩  
吊曰倉卒勤王五郡兵南風無力北風鳴清忠自托巴  
湖月穢史何曾說杲卿聞者悲焉正德中巡撫秦金祝

之鄉賢祠

朱廷臯贊曰維公守蘇懷國隱懼三吳根本實切畿輔  
乃消乃息興利剔盜百凡中程威單澤布黎庶既寧亦  
開賢路委巷窮廬禮勤徒步示民不怵式詢時務矢志  
勤王作五郡赴壬午之秋痛哉國祚城亾與亾公言弗  
誤一劍血腥千秋哀慕

楊儀合贊姚善黃鉞曰叔揚克一之歿均忠也克一受  
命于君舉義師作五郡倡雖無成功可謂不負社稷然  
而身歿族夷君子悲之叔揚畢葬赴難屢絕復食忍須  
臾以待克一之徇命而從容自沈于河不棘以蔓臍不

紆以苟生孝不遺親忠不後君信不忘友於乎備美哉  
賢其生矣



知府陳公

附貴公

楊公

陳公名彥回字士淵莆田人父立誠洪武初舉秀才歸安丞被誣論歿家破彥回謫戍滇南弟彥困戍遼東大父及母涂子善胥從彥回未入滇家人多道歿比至蜀惟彥回與祖母郭僅存會赦又弗原監送者憐而縱之去顧貧不能歸聞邑人黃積良知合州定遠縣往依之遂從其姓更名曰禮積良罷轉依南充縣丞于中和未幾閩中教諭嚴德政薦彥回明經爲保寧府學訓導三考至京承顧問者四十日高皇帝器之陞平江知縣至平江閏十三月上崩彥回入臨給事中楊惟康

一曰惟中

薦其文學廉幹陞徽州知府至徵數月政教一新士民  
感悅建文元年春以循良受上賞是冬祖母卒承重徵  
父老走京乞雷會彥回衰經赴闕自首出身所由并乞  
訪弟林存叵復其故姓詔許之釋前罪不問除彥困戍  
籍仍還任又乞竟服不許許裏事畢即蒞郡再疏又不  
許葬郭徵郡北十里北山之陽彥回召徵人泣諭曰吾  
故莆田前罪人也向所蒙恥而受祿者以吾祖母耳祖  
辱沒固宜自請死 上矜宥之恩大何以報日走墓下  
哭甚哀方回署視事徵人名爲太守山先是恒以叵命  
日宗爲愧悵悵不自安因號曰訥齋屢欲陳首輒自箠

曰祖母年高卽蹉跌奈何隱忍二十餘年始得行其志  
北兵至江上奉詔糾義勇勤王適彥困至自遠東邂逅  
旅邸悲喜交集郡士曹從善往賀愈感泣曰朝廷爲重  
身爲輕況身蒙再造又骨肉重聚者乎予固有以處之  
矣當遣吾弟歸治家事此勤王報命之秋予身許國他  
不卹也爾爲我述一詞以道吾家世顛末仍爲索名筆  
書務本二大字以遺吾弟俾其歸以孝弟力田修身克  
家爲務庶於國恩家慶爲無負耳時大勢已去新安卒  
真與縛以獻不屈歿之年四十七籍其家彥回旣去有  
黃希范代府事政令嚴明士民信服修武備待戰鬪變

素服不治事後坐與長史程通善嘗共議條上防禦策  
爲錦衣邏卒捕去論歿籍其家

楊公

楊公名任嘉興人母章氏初生有胡僧過之聞啼聲歎  
曰此兒異日必顯終不免刑戮耳性至孝嗜學洪武間  
由人才擢知袁州府黃子澄一見以國士許之守袁州  
府政多宜民北師起引疾歸壬午子澄出徵兵往約蘇  
守姚善航海去善不可子澄乃至任家與任謀求舊君  
圖舉大事感奮誓歿收集義勇爲人所告任與子澄俱  
擒至京磔于市任子禮亦坐歿籍產族誅凡九十三

人嫻屬金莊章范諸姓戍邊者甚衆任有田二百餘畝  
無人承業正德間知府徐盈取爲名宦楊太守繼宗遺  
愛祠祭田

理問徐公

公名讓山西布政司理問材氣磊落有口辯應募齋書  
物至北平議和解兵受而不答建文四年五月還授衛  
鎮撫軍前差遣戰歿

縣丞衛公

公名健山西孝義縣丞讀儒書達吏事膽智過人與徐  
讓回應募使北平不答健曰願殿下熟思之亦不聽還

投備鎮撫與護同赴軍前差遣後戰歿

知府孫公 徐公

公名希武合肥人洪武中爲諸生以經明行修中  
制科入學除戶部度支主事通敏練達高皇嘉之  
賜鈔旌項之上以課程事連坐部官進諫以傷國  
體爲一氣峭直遂謫戍滇南已邛郭資等論薦召復  
官應禁柳詩稱旨拜衛輝知府毀淫祠徹浮屠興  
學課民樹畜驅蝗禱雨神率效靈燕王兵起郡當  
南北之衝夙夜防衛民賴全活兵旣南下守備內臣倡  
謀迎附鎮堅守不下迨文皇登極以抗節不附者置  
之法乃謫戍山海歷二十餘年宣德初御史王紹首薦

赦回至京師除上饒丞不就卒于邸別號冲玄子有稿若干卷

徐公

徐公名安鄞縣人洪武中舉人材累官至山東濟南府太守後調鳳陽壬午燕王自徐州趣南京徵服間道從靈璧出鳳陽渡河安謀知之折浮橋絕舟楫以守上獲一漁舟以濟後正大統罷安放歸田里年餘舉遺逸有司以安姓名上遂得復任居數載鳳陽諸戚里奏安不體朝廷親親大義庇護細民奪還莊業上始怒曰朕昔猶爲所困况若曹乎逮安至謫戍雲南



知府王公

公名璉字器之日照人學通經史長於春秋初任教授  
謫遠方洪武末以賢能薦授寧波知府清儉律已平易  
近民杜私謁革吏弊每夜四鼓升堂秉燭讀書聲聞於  
外或卽詣學課諸生諸生必三鼓赴學無間泮池舊惟  
一石梁損俸增建左右二梁曰豈可使師生馳中道而  
入也遇驟雨必躬詣學巡倉視其漏濕輒用廩灰議而  
葺之毀諸淫祠或以殃譴爲戒璉曰如其有靈宜降割  
我躬不汝累也時三皇祠亦在毀中人以爲疑曰此惟  
天子得祭況於郡國又況士庶不當祠而祠曰淫不得

祠而祠曰濟其失一也政教兼舉德化大行五邑俗爲  
之變自奉儉約一日僱用魚肉大怒謂內曰汝尚不識  
吾意更不憶食草根時耶命左右撒而瘞之人稱埋羹  
太守時武職橫暴蹙痛抑之洪武壬午北兵已至江上  
璉造船取海道勤王爲衛吏卒縛至京文皇問造舟  
欲何爲對曰泛海直趨瓜州截路耳文皇亦不怒釋  
還田里鄰人黃學憲洞玉贊曰富貴不潘患難奚恤神  
明其心始終一德方行時父醫追贈皆不受寧波人至  
今思之

同知石介

公名允常字恒德寧海人洪武甲戌進士官河南僉事廉介有聲人稱石清潭時嘗微行民間聞哭聲甚悲廉知其女爲閹宦逼姦而死聞於朝捕宦抵大辟群宦銜之糾結巧譁左遷常州同知俄北師起率郡兵防江諸將皆降且潰知不可爲棄官歸 文皇登極追錄建文間廢毀周府官僚事逮至者五十餘人允常與焉衆悉洵懼服罪 文皇怒亦解人止贖米五十石命于原官加一秩仍用之獨允常鍛鍊百端堅不服繫獄二年免死謫戍躬環甲冑幾三十年年七十年代還過南畿感愴

病卒舟中遺文曰遇安集

知縣顏公

公名瓊字伯璋以字行廬陵人聰敏介直能文辭建文元年徵賢良擢沛縣令以善政撫民未幾南北構兵官軍駐德州淮北之兵終慮給餉瓊布置有方民不告勞三年辛巳六月望北兵直搗濟寧過沛民皆竄匿兵退設法招來之復業如故九月設豐沛軍民指揮司集民壯五千築七堡爲備禦計尋調三千益山東軍所存皆疲弱不任戰四年正月兵駐沙河二十二日北兵來攻道縣丞胡先百戶邵彥莊詣徐都督告急二十六日攻益急呼弟珪暨次子有爲曰兵勢如此孤城無援事不

可測倘有難汝脫身還家白大人無過傷且爲我善養  
得令終爲孝瓊旣爲人臣子職弗克盡矣又名爲士騰  
難豈容苟免乎取筆賦詩一章題察院壁曰太守諸公  
鑒此情祇因國難未能平丹心不改人臣節青史誰書  
縣令各一木豈能支大厦三軍空擬作長城吾徒雖成  
心無憾望采民艱達聖明漏下一鼓兵入東門指揮王  
顯迎降公具冠帶升堂南望再拜經歿年五十有爲不  
忍去復還見父屍自刎以從俄而諸軍至擒主簿唐于  
清典史黃謙俱成瑛脫走濟寧踰月還沛詢邑人知父  
子屍已爲胡先埋瘞乃至徐告公友人晏璧璧與同郡

有行義宦於徐因爲公傳其事言其善事父母友于兄弟睦於族媚鄉黨稱其六行無異辭以故守令知而薦之及爲沛令數以事至徐又同督運德州每連牀共食談論慷慨練達機宜深喜鄉郡之有人屬縣之得賢長吏也古語云謀人之軍師敗則效之謀人之邦國危則亡之若公寄百里之命素志已定視效如歸賢於人遠矣揚士奇過沛悼之以詩曰平生金石見臨危就義從容子亦隨千載山河遺跡在一門忠孝史官知故鄉住近文丞相先德傳從魯太師欲醉丘墳何處是離離荒草淚空垂正統初御史彭最行部至沛詢諸戶部主事

孟式得其葬處令有司起墳祠祀尹直贊曰忠孝二端  
天經人紀烈烈賢侯宰沛百里堅守孤城侯死無二力  
屈接絕詩以言志衣冠自經子亦劍歿父爲忠臣子爲  
孝子文山之鄉魯公之裔惟忠惟孝照耀青史

### 唐公

唐子清在沛有善政民愛之知縣顏伯瑋令沛專調兵  
食一切運察事皆付之北兵執子清欲殺之將兵者欲  
且留子清曰願從顏令於下地歿之

### 黃公

黃謙以儒生爲沛典史果敢能踐下伯瑋禮遇之益効



力盡職北兵執之使至徐招降謙感顏知己願與同死  
死之

### 鄭公

鄭公名恕字本忠浙江仙居人治尚書能賦詩好古博  
雅家甚貧抗志毫不妄取蕭然斗室學徒數十人日與  
講論經理高標勁節一時傾嚮之寧波知府新至素聞  
其學行聘爲昌國縣訓導尋陞知蕭縣甚得民心建文  
四年北將王聰來攻力拒城破不屈死之年五十六後  
籍其家妻彭氏妻夏蓮及二女當配亦死之子濂湜姪  
溫汲謫北平種田或曰恕常有平燕疏歸起義兵時無

應者遂往就戮蓋事定加刑在壬午八月十七日同鄉  
鍾士懋錄出乃得傳台州祀愬於八忠祠邑祠祀愬及  
其二女

張公

張公名彥方龍泉縣人建文元年由給事中以便養告  
改樂平知縣四年勤王詔下彥方舉旗糾義起兵一邑  
響應有武弁沮之彥方大哭曰君父在水火吾可以自  
緩乎遂率所部抵江口遇北來游兵執至樂平縣泉首  
暴屍譙樓下時暑月經旬顏面如玉無一蠅玷集人謂  
忠義所感父老竊葬縣治之清白堂後

向公

向公名杅字遵博浙江慈谿人宋文簡公敏中之後也  
父壽宗慈湖之學世稱爲樂齋先生杅益精究其旨力  
學養親洪武二十五年命督府都事張允直訪求人才  
以杅應詔陛見帝同居家何爲對曰種田其容秀而  
文上心知其非耒耜中人也因詢大麥何以四節對  
以其占四時耳投獻縣令單車就道不携妻子兵燹  
關荆榛春毛磔教百姓農桑與同甘苦流移漸復  
業北兵起獻官兵衝無城郭乃集民兵激以忠義與北  
將譚淵迎戰衆寡不敵被執懷印歿年四十三獻民哀

之拾遺骸葬道左後陳瑛爲都御史瑛亦獻人也懷怨  
成事諸臣最深請究治不已有楊姓父子懼瑛知狀發  
掘當夜負骨潛葬邑北十里永樂初王中秘尹實北上  
詢得葬所夜夢朴服血污葛衣共談往事起秉燭爲文  
求星月往哭之消川令韓彥起匿其二子於任司諫顧  
道輯其遺事書于寶峰庵佛座三人者皆義士也二子  
道淳道徵道淳被徵稱痼疾不赴有王偉元舉柏悲號  
之風嘉靖間朴祀本縣鄉賢祠隆慶五年又祀獻縣名  
宦祠萬曆初奉 詔撫按建祠本縣北門外王尹實韓  
彥復顧道附祀別室楊氏父子版食焉

知州蔡公

公名運南康人洪武中以貢士歷四川叅政清勁直諫  
不諧於俗尋罷歸建文中復起賓州知州有惠政後以  
奸黨論歿百姓憐而思之

吏目鄭公

公名華臨海人字思孝洪武十八年進士初授行人奉  
使川廣稱旨受賞建文元年詐讓請東平州吏目靖難  
兵起謂其妻蕭曰吾義必歿奈親老汝少何妻泣對曰  
君能爲國妾獨不能爲君乎乃稱病尋醫攜家托友人  
無錫丞趙大進至還州州長貳以下盡棄城走華獨率

民吏憑城殊守憂勞病甚水漿不入口者三四日北將  
朱能攻陷東阿分兵取東平華曰守土之臣義不苟生  
請援山東又不至乃力疾戰不屈死時年甫三十台州  
祀於八忠祠

縣丞劉公

公名亨字嘉會廬陵人博通經史洪武十五年以賢人  
君子徵辭親老歸養久之復舉經明行修入對稱旨命  
說書華蓋殿尋言事忤執政出爲壽州訓導三十一年  
冬建文皇帝詔求言上言文武並用久長之術而六  
卿秩卑於五府富並爲一品國子祭酒師表天下士位  
不當在太僕下諸武臣子弟他日當授之兵宜立學教  
之使知事上使下禮義之道多見採用陞武進丞修學  
政課農桑恤孤寡表節義毀淫祠縣傍作善教坊再思  
亭風厲民庶訟省野開流亾來歸建文三年賜璽書褒

美四年縣民李德茂馮阿寶作亂白郡守母令滋蔓率  
衆擒首惡戮之論降散其黨北兵方急尚遣使勞以金  
帛 文皇卽位有言亨昔在建文時上書改舊制又坐  
他事罷歸遂杜門不復出有薦修永樂大典者力辭疾  
湖廣廣東聘考試官皆不就宣德中御史尹崇高復言  
亨學行雖老可爲師表官亨造朝自言年將八十不足  
任教事 上曰伏生九十尚傳經八十爲教官何不可  
亨懇辭吏部尚書郭瑾曰孔子言老者安之朝廷豈少  
此一人宜聽還鄉自便得歸正統中年八十二卒



典史周公

公名縉字伯紳湖廣武昌人洪武中貢入太學授永清  
典史居官廉謹攝令事捕蝗弭盜措置有方俄而北兵  
起一時守令多相率迎降永清地尤近縉極力爲拒守  
計顧其民爭先逃散度不可爲懷印南奔遣聞母喪還  
家葬畢卽出糾義旅勤王戰艦戎器略具聞南師燔天  
命去矣乃走匿民間已而蹤跡漸露有司卽其家捕獲  
械送京師自分必死慷慨就行至刑下獄久之請戍興  
州居數年子代還屏跡田園年八十而終吳文定寬爲  
縉傳有曰以愧世之爲丁公而倖免者嗟夫夫縉亦所

謂不可奪志者哉是時吏部言前北平屬州縣官朱寧  
等二百九十人當兵起時俱棄職遠避宜置法典俱違  
戍績其一也寧等不可攷矣

教諭王公 陳公

公名省字子職吉水人洪武五年鄉薦至京詔免會試  
命吏部次第擢用獨乞歸養尋以文學徵 上親試稱  
旨當殊擢自陳才薄親老乞便養得浮梁教諭外艱起  
復改睢陽凡八年又改濟陽靖難兵至爲游兵所執從  
容引譬詞義慷慨衆義而舍之歸坐明倫堂伐鼓聚諸  
生謂曰若等知此堂何爲稱明倫今且勿多論只說君  
臣之義何如因大哭諸生皆哭遂以頭觸柱歿女靜適  
邑人周鳳岐爲卽墨王簿聞北兵至濟陽女泣曰吾父  
必不生矣三遣人訪竟得遺骸歸葬後有司祀之學宮

省子頽成化中亦抗節歿于賊有傳

陳公

公名思賢廣東茂名人質直好義洪武末爲漳州府學教授以忠孝行藝勗諸生隨才教誨多所成就 文皇靖難詔至慟哭曰明倫之義正在今日遂堅臥不出迎 率其徒伍性原陳應宗林珥鄒君默曾廷瑞呂賢卽明倫堂爲舊君哭臨如禮郡人執送京師思賢暨六生成以身殉或曰歿於道嘉靖中提學副使邵銳立祠祀思賢侑以六生

皇明遜國臣傳卷之三終